



KOMMUNE KUJALLEQ

POSTBOKS 514 3920 QAQORTOQ

TLF. (+299) 704100

WWW.KUJALLEQ.GL

Anartarfilerinermut maleruaqqusat
Kommune Kujalleq

2022

Atia: Anartarfilerinermut maleruaqqusat
Kommune Kujalleq
2022

Imai

1	SIUNERTAQ	4
2	INATSIIT TUNNGAVIGISAT	4
3	ATUUFFIA	4
4	SUUSSUTSINIK AALAJANGERSAANERIT	4
5	PISUSSAAFFIIT PISINNAATITAAFFILLU	6
6	KUUFFINNUT IKKUTSINNEQ	6
7	ANARTARFIIT IMAARTAKKAT	7
8	ANARTARFIIT TANKITAAT	7
9	AQQUTIT	8
10	AKILIUTIT	9
10	NAKKUTILLIINEQ	11
11	UNIOQQUTITSINEQ KINGUNEQARTITSINERLU	11
12	NAAMMAGITTAALLIORNEQ	12
13	PIGINNAATITSINEQ	12
14	ATORTUULERSITSINEQ	13

1 SIUNERTAQ

Maleruaqqusani ukunani Kommune Kujallermi anartarfilerineq pillugu aalajangersaasoqarpoq.

Kommune Kujallermi angerlarsimaffinnit inuussutissarsiutinillu ingerlatsivinnit anartarfiit avatangiisinut ajoqutaanngitsumik, eqqiluisaarfiusumik avatangiisillu illersorneqarnissaannik paasinniffiusumik imaartarneqartarnissaat maleruaqqusatigut qularnaarniarneqarpoq.

Maleruaqqusatigut innuttaasut, illuutillit, suliffeqarfiit kommunillu pisussaaffii pisinnaatitaaffillu aalajangersarneqarput.

2 INATSISIT TUNNGAVIGISAT

Maleruaqqusat inatsisit atuuttut tunngavigalugit suliarineqarpoq:

- 1) Avatangiisit innarlitsaaliorneqarnissaanik Inatsisartut inatsisaanni nr. 9, 22. november 2011-meersoq § 10, imm. 1, nr. 15
- 2) Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq § 33 imm., 1 aamma 2, nr. 1-16

3 ATUUFFIA

Maleruaqqusat uku Kommune Kujallermi illoqarfinnut nunaqarfinnullu atuupput.

Maleruaqqusat uku illunut, suliffeqarfinnut, peqatigiiffinnut aaqqissuussinernilu inuit katersuuffigisaanut kiisalu piffinni sanaartorfigineqanngitsuni annertuunik aaqqissuussivigineqartuni aaqqissuisunut tamanut atuupput.

Maleruaqqusat anartarfilerinermut tunngasuupput.

Asimi anartarfiit imaakkat plastikkiniq eqqakkanillu allanik imaqassanngillat taavalu assaanneqanngikkunik imaanut toqqaannartumik kuineqassallutik.

4 SUUSSUTSINIK AALAJANGERSAANERIT

Maleruaqqusani ukunani isumasiuutit atorineqartut tassaapput isumasiuutit inatsimmi atuuttumi assingannik atorineqartut, tassalu inatsimmi matumani taaguutinut ataasiakkaanut isumasiuutit pisinnaasamik aalajangersarneqarsimasut.

Tassunga tunngatillugu isumasiuutit toqqakkat maleruaqqusanut ukununga immikkut attuumassuteqartut allattorsimapput.

Eqqaavimmuut aqut	Eqqaavilerisut qamutaasa inissiffiisa eqqagassaasiviullu akornanni aqut.
Eqqagassaqalersitsisartooq	Angerlarsimaffinni inuussutissarsiorfinnilu kiisalu allani anartarfiit imaannik pilersitsisoq tassaavoq illumik piginnittoq.
Igitsisarneq	Suliaq sunaluunniit atoqqitassaangitsooq.

Akiliutit	Angerlarsimaffinni eqqagassiortut kommunip sullissinerinut ilanngussimanermut akiliisarput, soorlu ulluinnarni eqqagassanik anartarfiillu imaannik katersisarnermut, tankinik imaarsisarnermut, eqqagassanik angisuunik katersuinermut, kiisalu aniatitsinermut soorlu kuuffiit tamanit atugassiat atorlugit aniatitsinermut.
Illumik piginnittut	Illumik piginnittut tassaatinneqarput inissianik illunilu najugaqarfissanik inuussutissarsiorfissanillu piginnittut, attartortut atuisullu. Illumik piginnittoq pillugu malittarisassami nassuiaat taamaalilluni Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersumi atuisinnaatitaasutut taaneqarneranut naapertuuppoq.
Angerlarsimaffiit imikoorutaat	Illumit imikoorut angerlarsimaffinnit imeq minguttoq, tassunga ilanngullugu anartarfiit imermik kuutsinneqartuniit aniatitaq.
Qanoq pineqarnera	Katersineq, angallassineq, tiguisarney, passussineq, atoqqitassanngortitsineq eqqakkanillu igitsisarney.
Katersuisarnermik aaqqissuussineq	Maleruaqqusani aalajangersakkat naapertorlugit aaqqissuussinermi eqqagassaqaalersitsisup eqqakkaminik kommunimut tunniussinera, eqqakkallu passunneqarnissaannut tamakkiisumik kommune akisussaatillugu.
Anartarfiit imaartakkat	Anartarfiit imaartakkat tassaapput eqqagassat inuit timaannit pisuusut, tassalu qooq anarlu.
Tigooraavik	Tigooraavimmi eqqakkat inissinneqartut, ikuallanneqartut, passunneqartut aamma/imaluunniit nutaatut atoqqitassanngorlugit suliarineqartut.
Anartarfilerineq	Anartarfilerineq tassaatinneqarpoq anartarfiit imaannik igitsisarnerit aammalu anartarfinnit sunilluunniit imerpalasut igitassat kommunip katersuisarneranut atasut.
Anartarfiit tankitaat	Illuliornermut malittarisassat, kiisalu illuliornermut inatsisini maleruagassat aalajangersarneqarsimasut sukkulluunniit atuuttut naapertorlugit imermut errortuivikumut peqqussutiit malillugit katersuivik tassaavoq tanki ussissoq qerinaveersaartinneqartoq kuuffeqanngitsorlu, kalerrisaarutitalik imaluunniit ulikkaarnermini allatut nalunaarsuutitalik, kiisalu imaarneqarnissamut maqitsivilik.
Eqqiarnermi imikoorut	Illumit eqqiarnermi imikoorut tassaavoq angerlarsimaffinnit inuussutissarsiorfinnilluunniit imikoorut, soorlu uffarfinnit, igaffimmit kiisalu anartarfinnit kuutsittakkanit.
Anartarfiit imartaakkat	Anartarfik imaartagaq tassaavoq eqqiluisaarnermut atortulersuut imilernerqartussaangitsiq imaluunniit annikitsuaraannarmik imilersorneqarsinnaasoq (anartarfiit kuuffeqanngitsut). Anartarfiit taamaattut tassaasinnaapput puussiartalertakkat imaluunniit siparnilertakkat, kisiannili aamma tassaasinnaallutik anartarfiit nunamut issumullu itersaliorsimasat.

5 PISUSSAAFFIIT PISINNAATITAAFFILLU

Illuutillit eqqakkanut kuuffinnut kikkunnut tamanut atugassianut ikkutsissimangitsut imaluunniit namminerisaminnik imaanut kuuffilersimangitsut namminneq akilikkaminnik kommunip akuerisaanik anartarfeqassapput siparnitalimmik imaluunniit anartarfimmuut tankitaqassallutik kommunip akuerisaanik, taakkuninggalu aserfallatsaalliissallutik.

Illuutillit kuuffinnut tamanut atugassianut ikkutsissinnaangitsut immikkoortoq 7-imi nassuiarneqartutut ittumik anartarfiit imarneqartarnerinut ilanngussimasussaapput imaluunniit tankip immikkoortoq 8-imi malittarisassat naapertorlugit katersuiviup imarneqartarneranut ilanngussimasussaallutik.

Illut namminneq imaanut kuuffillit avatangiisit innarlitsaaliorneqarnissaanut inatsimmi § 16 naapertorlugu imaanut aniatitsinissaminnut akuersissummik pissarsisimasariaqarput.

Immikkoortiterisussaataaneq

Anartarfiit puusiartaat siparnillu puusiartaqanngitsut allanik eqqagassanik allanik eqqaavigineqassanngillat taamaallat anartarfiit imaannik.

Anartarfiit imaasa kuarneqartarneri

Eqqakkanut kuuffiit aqutiginagit kuutsitsineq kommunimit akuerineqaaqsimasussaavoq.

Anartarfiit imaannik igitsivissatut kommunimit toqqakkat kisimik imaarsivigineqarsinnaapput.

6 KUUFFINNUT IKKUTSINNEQ

Illu kuuffinnut ikkunneqaraangat anartarfinnik imaarsisarneq atorunnaassaaq.

Illumik piginnittup anartarfiit imarneqartarnerinut nalunaarsimanerup unitsinneqarnissaanut pisussaavoq.

Anartarfiit imaartakkat pillugit Namminersorlutik Oqartussat nalunaarutaanni § 19 naapertorlugu aqqusinnermut kikkunnulluunniit atugassiamut qaninnermut kuuffilersuisoqarsimatillugu illumik piginnittup aqutit matoqqasut kuuffinnut kuuffeqarfinnulluunniit atassusertittussaataaapput.

Atassusertinneq illumik piginnittup nammineerluni akilissavaa, tak. § 10, imm. 2.

Nunami kuuffeqarfittut aalajangersarneqarsimasumi illut pioreersut pisortat aqqusiniutaannut qaninnermut imaluunniit nuna pineqartoq aqutigalugu kuuffeqarfiliinerup kingorna kingusinnerpaamik ukiut marluk qaangiunnerini kuuffeqarfimmuut attavilerneqarsimassapput. Piffissaliussaq siusinnerpaamik kommunalbestyrelsip sumiiffimmi imermut errortuivikumut pilersaaruteqarfiusumut akuersineranit attuumassuteqartunullu allakkanit nassiussineranit atuutilissaaq, tak. § 10, imm. 3 aamma 5.

Kommunalbestyrelsi illumut tunngasuni pissutsinik immikkut ittumik naliliineq tunngavigalugu, tassungalu ilanngullugu anartarfiliinissamut periarfissaqartoqannginnera imaluunniit atuisinnaatitaasup aningaasaqarnikkut atugai tunngavigalugit, attaviliinissamut pisussaaffeqarnermik saneqqutsinissamut immikkut ittumik akuersissuteqarsinnaavoq, tak. § 10, imm. 6.

7 ANARTARFIIT IMAARTAKKAT

Kommunimi anartarfiit puusialertakkat atorneqartarput. Anartarfiit puusiarthallit imarneqartarnerini puusiat kommunip tunniussai kisimik atorneqassapput. Anartarfiit Kommune Kujallermit akuerisat kisimik atoqqusaapput, assersuutigalugu GTO-modelit.

Anartarfiit puusiaasa takkuitsuugassaajunnaarnissat kiisalu ajornangitsumik aaneqarsinnaanissaat illumik piginnittup isumagisassaraa. Tassunga taarsiullugu puusiat anartarfimmiit aaneqartarnissaannik anartarfilerisoq isumaqatigiissuteqarfigineqarsinnaavoq. Aamma illumik piginnittoq pisussaavoq ilisarfinnik pitsaasuutitsinissaminut eqqiluutsuutitsinissaminullu kiisalu isumannaatsumik aqqutissaqarluni aallertoqarsinnaanera isumagisussaallugu. Anartarfiit eqqiluutsuunngippata illumik piginnittoq attartortorluunniit kommunimit peqquneqarsinnaavoq puusianik matup silataanut ilisisaqqullugu.

Anartarfiit puuinik siparninilluunniit aasassanik, katersugassanik, imaagassanik illup silataanut inissiisoqassappat, imaat qimminit, timmissanit uumasunilluunniit allanit anguneqarsinnaajunnaarlugit inissinneqassapput.

Puusiap ajornartorsuutitaqanngitsumik aaneqarsinnaanissaa illuutillup akisussaaffigaa.

Puusiat isumannaatsumik matusimassapput qilerneqarsimassallutillu kiisalu ullormi aallerfissami kingusinnerpaamik 07.00 inissiivissamut isumaqatigiissutigineqarsimasumut inissinneqarsimassallutik.

Anartarfiit puusiaannik aallerfissap eqqagakoqannginnissaa aqquataalu torerlunilu kusanarnissaa illumik piginnittup pisussaaffigaa.

Illumik piginnittoq pisussaavoq anartarfiit imarneqartarnerinut ilanngutissalluni puusiat / aallernerit amerlassusii pisariaqartut naapertorlugit aammalu puusiat / siparnit aallernerit marluk akornanni ulikkaarpallaarneqartannginnissaat isumagisassaralugu.

Puusiaq / siparni aallernerimi imaqanngippat anartarfilerisoq imaarsissanngilaq. Puusiaq imarneqanngippat illuutilik puusiamik nutaamik tunineqassanngilaq. Taaneqareersut pissutigalugit illuutilik akiliutiminik utertitsiniarsinnaanngilaq.

Anartarfiup puussiartaanik aallertarneq

Illumiit anartarfiup puussiartai qassit aaneqassanersut apeqqutaaluni sapaatit akunnerit ataasiarluni, marloriarluni imaluunniit pingasoriarluni aaneqartarput. 07.00 aamma 18.00 akornanni aallersoqartarpoq. Ullut aallertarfissat pillugit sukumiinerusumik paasisaqarumalluni Teknikkimut Avatangiisinullu Ingerlatsivik attavigineqarsinnaavoq.

8 ANARTARFIIT TANKITAAT

Anartarfiit tankitaat ussillutillu qerisinnaassanngillat ulikkaarnissamut kalerrisaaruteqarlutik allatulluunniit nalunaarsuuteqarlutik, kiisalu sanaartornermi malittarisassanut atuuttunut avatangiisinullu inatsisinut naapertuuttumik suliasimassallutik.

Kommune Kujallermi anartarfiit tankii tamarmik pumpilerneqarsimassapput tankip imaarnissaannut naammattumik sakkortussusilimmik.

Maqittarfia aqqqissorneqassaaq:

- anartarfilerisoq slangemik ruujorimilluunniit maqitsivimmut toqqaannaartumik atassusiinnaanngorlugu
- nunamut kuutsitsisoqartussaajunnaarlugu

- ruujorit slangillu imaavineqartartussanngorlugit

Unittarfiup kuuffiullu eqqaata anartarfiup imakuinik kuuffiusimannginnissaa illumik piginnittup pisussaaffigaa.

Unittarfiup pitsaasuuinissaa eqqiluitsuunissaalu kiisalu aputaajarsimallunilu siorarsimanissaa illumik piginnittup pisussaaffigaa. Aammattaaq anartarfiup tankitaata ajornanngitsumik imaarneqarsinnaanissaa illuutillup qularnaassavaa.

Anartarfiit tankiinik imaarsisarnerit akuttussusii aalajangerneqassapput nunamut utsersortoortoqartussaajunnaarlugu.

Anartarfik tanketalerneqarpat imaluunniit anartarfimmik kuutsittakkamik pilernerme uku innersuussutigineqarput:

- imermik atuinikitsumik kuutsittakkamik anartarfilernissaq
- anartarfiup imermut atanilerneqarnera immikkut ruujorilerneqassasoq, taamaalilluni illup imermik pilersorneqarnera tamaat milinneqanngikkaluarluni taanna milinneqarsinnaaqqullugu
- magnetventili atorineqassasoq
- tankip imaartarneranut motor minnerpaamik 380 W atorineqartassasoq

Tankimut, immaqalu pumpimut, innaallagissamut atassusiinermut, pumpeqassappat taassuma aserfallatsaalineranut ingerlanneranullu imaluunniit innaallagissamik atuinermut aningaasartuutit illumik piginnittup isumagisassarai.

Tankip il.il. aserfallatsaaliornera piginnittup qulakkiinngippagu, sumiiffimmilu mingutsitsineqarsinnaammat, siumut peqqussuteqarenikkut kommunalbestyrelsip piginnittup akiligaanik suliaritissinnaavaa.

Tankit imikup saniatigut igitanut allanut atorineqassanngillat.

Tankimik imaarsineq

Pisariaqartitsineq naapertorlugu tankinik imaarsisoqartassaaq.

Tankimik imaarsinissaq kommunimut anartarfilerisuusumulluunniit inniminnerneqartassaaq. Ulloq imaarsivissaq kissaatigineqartoq kingusinnerpaamik ulluinnaq ataaseq sioqqullugu imaarsinissaq inniminnerneqarneqassaaq.

Imaarsisoqartarpoq ataasinngornermiit tallimanngornermut 07.00 - 18.00 akornanni. Nalinginnaasumik imaarsisarnerup saniatigut tankip immikkut imaarneqarneranut immikkut akiliutissat anartarfilerisup illumillu piginnittup akornanni isumagineqartussaapput.

Tankit imaarneqanngitsoorneri

Anartarfilerisooq aggersarneqaraluarluni taamaattoorli maqitsiviup tikinneqarsinnaannginnera tankilluunniit pumpiata aallarsinnaannginnera pissutigalugu tankimik imaarsinnaanngippat katersuivimmik iluatsinngitsumik imaarsiniaraluarnermut akiliutissat anartarfilerisup illumillu piginnittup akornanni isumagisassaapput.

9 **AQQUTIT**

Aqqutit maniilakujunnatillugu sivinganersaqariataassanngillat, quaaffissaanatik pingaartumik sivinganersat pissutigalugu sisunaveersaarnissaaq pisariaqarpat.

Illut imaartakkanik anartarfillit tankiluunniit aamma tankenik imaarsinermut puusianillu aallernermit piunasaqaatinik aamma malinnissapput.

- Eqqaavinnut aqut minnerpaamik 90 cm-inik silissuseqassaaq 220 cm-iterinillu portussuseqassalluni.
- Eqqagassiivimmuut aqputa qammaqquteqarluassaaq. Tassa eqqaavilerisoq sumiissusersiorsinnaassaaq, inuit suullu nalinginnaat takusinnaassallugit aammalu maniinersat kiisalu eqqagassaasiviup toqqammavia maluginnaassallugit.
- Matut, ungallut matui isaarissallu namminneerlutik ammarsinnaassapput.
- Eqqaavimmuut aqput inioqqavinnit, biilinit uninngasunit sikkilinit allanilu asserneqassanngilaq.

Illu aqqusinernit nalinginnaasunit avinngarusimappat qamutininik motoorilinnik aqput usisaassuarnit aporfissaqassanani aqputigineqarsinnaassaaq aamma 350 centimeterinik silissuseqarluni 400 centimeterinillu portussuseqarluni.

Anartarfiit puusiaannik aallerfissap akornuteqannginnissaa illumik piginnittup akisussaaffigaa. Anartarfiit puusiaannik aallernissamut aqput taassumalu eqqaa torersarsimassapput ukiukkullu aputeqaratillu sermeqassanatik. Anartarfiit puusiaasa qerrutinnginnissaat illumik piginnittup akisussaaffigaa.

Tankip imaarnissaanut aqputit akornuteqannginnissaa illumik piginnittup akisussaaffigaa. Tankip katersuviup imaarfissaanut aqput taassumalu eqqaa torersarsimassapput ukiukkullu aputeqaratillu sermeqassanatik. Tankit katersuviit qerrutinnginnissaat illumik piginnittup akisussaaffigaa.

Eqqakkanik aallernerup nalaani eqqaaviisivimmuut aqput qimmeqassanngilaq.

ANARTARFIIT TANKITAANNIK NUTAAMIK IKKUSSINEQ

Anartarfimmuut tankiliisoqartussaaitillugu taassuma ikkunneqarnissaa sioqqullugu najugaqarfimmi tassani anartarfiit tankitaannik imaarsinissamut periarfissanik Teknikkeqarfimmuut paasiniaasalluni illumik piginnittoq pisussaavoq.

Anartarfimmuut tankiliisoqartillugu anartarfilerisup slangia annerpaamik 15 meterit atorlugit ajornaquteqanngitsumik ikkunneqarsinnaanngorlugu imaarsivik sullulimmuut atassusertagaq inissinneqarsimassaaq.

10 AKILIUTIT

Aqqissuussinernut aalajangersarneqarsimasunut aningaasartuutit matussutissaannik illumik piginnittut attartortullu akiliisussaaitaapput. Akiliutissat illuutilimmuut attartortumulluunniit anartarfinnik imaarsisarnermut nalunaarsimasumut akiligassanngortinneqartassapput.

Kommunalbestyrelsi ukiumut ataasiarluni anartarfiit tankillu imaarneqartarnerinut imaasalu iginneqartarnerinut akiliutissanik aalajangiisarloq, tassunga ilanngullugu anartarfiit puussiaannik aallertarnermut anartarfiilluunniit tankitaannik imaarsisarnermut tunngatillugu. Akiliutissat qaffasissusiat Kommune Kujallip piffinni ataasiakkaani aammalu nittartagaq atorlugu nalunaarutigissavaa. Eqqagassalerinermut akit kommunimi akigitat nalunaarsuiffianniipput.

Pisortat imikumik eqqaaviat atorlugu imikumik aniatitsinermut ukiumut akiliutissat kommunalbestyrelsip aalajangersartartussaaavai. Imerkumik errortuivikumik kuutsitsinermut

akiliut ukiumoortoq taamaallaat aningaasanik, kommunip atortulersuutini ingerlatsineranut aningaasartuutitut matussutissanik, kiisalu siunissami imermik errortuivikumut kuuffeqarfinnik iluarsaassinermut taarsiinermulluunniit atugassanik imaqarsinnaavoq. Eqqagassalerinermut akit kommunip akinik allattorsimaffiutaanni nalunaarsuiffianiipput. Illup ineqarfittut, inuussutissarsiorfittut allatuullunniit atorneqarnera imaluunniit atorneqangvinnera apeqquataatinnagu akiligassiisoqartarpoq.

Kommunip sullissinerinut akiliutit qaqugukkulluunniit atuuttut kommunip nittartagaanit aaneqarsinnaapput imaluunniit Teknikkeqarfimmu Sullissivimmulluunniit saaffiginninnikkut pissarsiarineqarsinnaallutik.

Nalunaarneq

Kommunip aaqqissuussineranut nalunaarneq kommunip nittartagaa aqquutigalugu Sullissivimmu saaffiginninnikkut pissaaq. Nalunaarnermut aamma taamaatitsinermiut tunngatillugu immersugassaq kommunip nittartagaani aaneqarsinnaavoq, kiisalu Tekniskimut Avatangiisinullu Ingerlatsivimmu saaffiginninnikkut immersuiffissat pissarsiarineqarsinnaallutik. Ilanngunnissamut atuijunnaarlunilu nalunaarfissaq pinngitsoorani atorneqassaaq.

Imaartakkanik anartarfillinnik illuutilit sapaatit akunnerannut aalajangersimasumik amerlassusilinnik imaarsisarnermut nalunaarsimassallutik pisussaapput. Eqqagassanik pilersitsisut sapaatip akunneranut amerlassutsinik taaneqartunik imaarsisoqartarnissaanut peqataanissamut nalunaarsimanngitsutut Kommunalbestyrelsip nalilerpagit, eqqagassanik pilersitsisup sapaatip akunneranut qasseriarlutik imaarsiffigineqartarnissaat Kommunalbestyrelsip piumasaqaatigisinnaavaa.

Inoqutigiit taama pisussaatitaagaluarlutik anartarfilerinermut nalunaarsimanngitsut kommunalbestyrelsip paasigunigit illumik piginnittoq aaqqissuussinermut peqataaqullugu peqqusinnaavaa. Ingasattumik imaluunniit arlaleriarluni unioqutitsisoqartillugu politiniut nalunaarutiginnittoqarsinnaavoq.

Nalunaarneq allannguinerillu kingusinnerpaamik sapaatip akunneranik ataatsimik siumut ilisimatitsinikkut Kommune Kujallermut nalunaarutigineqartassapput.

Atuijunnaarneq

Nuunnermi illumik piginnittup peqataajunnaarnini nalunaarutigissallugu pisussaaffeqarpoq. Tamanna illunut inissiaatileqatigiiffiit aqquutigalugit nalunaarsimasunut atuutinngilaq. Kommunip aaqqissuussineranik atuisuujunnaarneq Sullissivimmu nalunaarutigineqarsinnaavoq. Nalunaarnermut aamma taamaatitsinermiut tunngatillugu immersugassaq kommunip nittartagaani aaneqarsinnaavoq, kiisalu Tekniskimut Avatangiisinullu Ingerlatsivimmu saaffiginninnikkut immersuiffissat pissarsiarineqarsinnaallutik. Ilanngunnissamut atuijunnaarlunilu nalunaarfissaq pinngitsoorani atorneqassaaq.

Illumik piginnittoq taamaatitsilluni nalunaarsimanngippat, atuisussap tulliaata atuisunngorniarluni nalunaarnissaata tungaanut imaluunniit Teknikkeqarfiup atuisuunermik taamaatitsinissaata tungaanut pineqartoq aaqqissuussinermut peqataanerminut akiliisarnissaminik pisussaaffeqarpoq.

Taamaatitsilluni nalunaarneq kingusinnerpaamik sapaatip akunnera sioqqullugu Kommune Kujallermut nalunaarutigineqassaaq.

Illup minnerpaamik qaammatini arfinilinni tulleriiginnarni inoqartangvinnera uppersarsarneqarsinnaappat piffissami tassani akiliinginnissamik

qinnuteqartoqarsinnaavoq. Taamaattoqassappalli illumik piginnittup allakkatigut Kommune Kujallermut nalunaarutigalugulu uppersartariaqarpaa illu sivikinnerpaamik qaammatini pingasuni inoqassanngitsoq, piffissamilu tassani illumit anartarfilerisoqartariaqanngitsoq. Aamma akiliinnginnissaq qinnutigineqassasoq aamma illup qimakkallannginnerani akuersissut tunniunneqareersimassasoq piumasarineqarput. Akiliinngitsoorsinnaatitaanerli illunut inissiatileqatigiiffiit aqutigalugit nalunaarsimasunut atuutinngilaq.

Immikkut eqqagassat

Inoqutigiit anartarfiit puussiaannik eqqagassarpassuaqarpata Sullissivimmiit puussiarsisoqarsinnaavoq allassimasunik "Immikkut igitassat".

Saniatigut puut immikkat "Immikkut eqqagassat"-nik naqissimasut eqqakkat nalinginnaasumik aaneqartarfiinut inissinneqassapput ullormilu eqqaaviit imaarneqarfiini tiguneqassallutik.

Puusiamut saniatigut atorneqartumut akit akit allassimaffianniipput.

Eqqagassat aaneqarnissaannut aqaguppat siusinnerpaamik unnukkat inissinnaavatit, ullorlu aaneqarfissaanni kingusinnerpaamik nal. 7.00 inissillugit.

10 NAKKUTILLINEQ

Maleruaqqusani aalajangersakkat malinneqarnissaannik Kommune Kujalleq nakkutilliissaaq.

Illumik piginnittut attartortulluunniit tamarmik pisussaapput Kommune Kujalliup misissuisitaanik illumut isersinnaatitsissallutik, tassunga ilanngullugu anartarfiit imaartakkat, anartarfiit tankitaat, aammalu anartarfiit siparnitaasa katersuivinnukaanneqartarneri igitassanngortarnerilu misissornissaannut periarfissaqartissallugit.

Maleruaqqusani aalajangersakkat uniorneqarnerat paasineqarpat piffissaliussami erseqqinnerusumik taasami pissutsit malittarisassanut naapertuuttunngorlugit aaqinneqarnissaannik Kommune Kujalleq peqqussuteqarsinnaavoq.

Piffissaliussap ingerlanerani pissutsit aaqinneqanngippata Kommune Kujalleq iliuuseqartitsisnaavoq akisussaasumut akiligassanngortitassamik.

Annertuumik mingutsitsineq pinngitsoortinniarlugu imaluunniit taassuma siaruarnissaa pinngitsoortinniarlugu piaarnerpaamik qanoq iliuuseqarnissaq pisariaqarpat, pisortat nakkutilliisut peqqussuteqaqqaaratik iliuusissat pisariaqartut isumagissavaat akisussaasumut akiligassanngorlugu. Taama piaarnerpaamik iliuuseqarneq tamatigut allakkatigut aalajangiinermik kinguneqartitsissutaassaaq, Avatangiisit innarlitsaaliorneqarnissaannik Inatsisartut inatsisaat nr. 9, 22. november 2011-meersumi § 58 naapertorlugu.

11 UNIOQQUTITSINEQ KINGUNEQARTITSINERLU

Maleruaqqusani ukunani malittarisassanik imaluunniit maleruaqqusat uku malillugit peqqussutinik inerteqqutinilluunniit unioqqutitsineq akiligassiinermik nassataqarsinnaavoq, tak.

Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersumi -meersumi § 49, imm. 1, nr. 2 kiisalu Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011.

12 NAAMMAGITTAALLIORNEQ

Avatangiisit innarlitsaaliorneqarnissaannut Inatsisartut inatsisaanni nr. 9, 22. november 2011-imi kapitali 14-mi malittarisassat naapertorlugit maleruaqqusani aalajangersakkat pillugit aalajangiinerit taakkulu naapertorlugit aalajangiinerit naammagittaalliutigineqarsinnaapput.

Maleruaqqusani aalajangersakkat taakkulu atortinneqarneri pillugit saaffiginnissutit naammagittaalliutillu kommunalbestyrelsimut suliami aalajangiisussaataasumut ingerlatinneqassapput.

Kommunalbestyrelsip aalajangiineri pillugit naammagittaalliutaajunnartut Avatangiisit Innarlitsaaliorneqarnissaat pillugu Naammagittaalliuteqartarfimmu naammagittaalliutigineqarsinnaapput. Naammagittaalliutip nassiunneqarfissaa: Nunalerinermut, Imminut Pilersornermut, Nukissiornermut Avatangiisinullu Naalakkersuisoqarfik, Imaneq 1A, 8. sal, Postboks 1614, 3920 Nuuk, Taassumal Naammagittaalliuteqarfimmu ingerlateqqissavaa.

Aalajangiinerup nalunaarutigineqarneraniit sapaatit akunneri arfinillit naammagittaalliuteqarnissamut piffissaritinneqarput. Naammagittaalliuteqartarneq peqqussinermut imaluunniit inerteqqussummut kinguartitsisarpoq Avatangiisit Innarlitsaaliorneqarnissaat pillugit Naammagittaalliuteqartarfiup suliami aalajangiinissaata tungaanut imaluunniit Naammagittaalliuteqartarfiup allatut aalajangiinissaata tungaanut.

Peqqussummik inerteqqummilluunniit aalajangiisoqartillugu Kommunalbestyrelsi pissutissaqavikkuni peqqussutip inerteqqutilluunniit peqatigisaanik aalajangersinnaavoq peqqussut inerteqqulluunniit malinneqassasoq naammagittaalliortoqarsimamera apeqqutaatinnagu.

Kommunalbestyrelsip aalajangiineri naapertorlugit peqqussutit inerteqqutilluunniit allakkiami matumani immikkoortoq 12, imm. 5-imi naapertorlugu naammagittaalliutigineqarnerat apeqqutaatinnagu peqqussut inerteqqulluunniit malinneqassaaq naammagittaalliuteqartarfiup allamik aalajangiinissaata tungaanut.

13 PIGINNAATITSINEQ

Kommune Kujallermi Kommunalbestyrelsip maleruaqqusani ukuninnga akuersissuteqarnermigut Teknikkimut Avatangiisinullu Ingerlatsivik piginnaatippaa maleruaqqusat uku naapertorlugit aalajangiisarnissamut.

14 ATORTUULERSITSINEQ

Maleruagassat uku ulloq 01-10-2022. atuutilersinneqarput.

Maleruaqqusat uku atortuulersinneqarnerat ilutigalugu makku atorunnaarsinneqarput :

- 1) Anartarfilerinermi maleruagassaq, Kommune Kujalleq 2016

Kommune Kujallermi kommunalbestyrelsimit akuerineqartut ulloq 11/8-2022


Stine Egede
Borgmester


Tine Pars
Kommunip pisortaanera